

即令罷之耳其餘未來啓者若以所犯盡罷者自 上亦慮騷擾今後  
各道被犯守令付樞時斟酌事言于法司○憲府啓僧祖熙事不允○  
戊辰遣聖節使宋叔瑾進賀使吳準如京師○臺諫啓前事不允○日  
暈夜坤方有氣如火○已巳臺諫啓前事不允○以蘇世讓為工曹判  
書沈彥光為吏曹參判趙士秀為司諫院正言○日暈冠夜坤方有氣  
如火○庚午臺諫啓前事不允○辛未臺諫啓前事不允○壬申 上  
幸濟川亭觀水戰 御書兩後江山七言律寒韻親臨水戰五言律灰  
韻訂泌照月七言律陽韻令扈駕諸臣皆製進○命承旨趙仁奎兵曹  
參判許洽分往監射小革射畢後還宮日已申時矣○日暈○癸酉同  
副承旨尹豐亨啓曰昨日宰相之不扈駕者只領中樞府事鄭光弼工  
曹判書蘇世讓耳 命招課次昨日所製何如傳曰昨日左議政<sub>韓效</sub>  
雖從駕而不作待罪此不與於作詩之列韓效元蘇世讓命招傳曰  
左議政以病未來蘇世讓已來尹溪以衛將若入直闕內則命招同考  
不然尹溪李希輔中命招使同考○蘇世讓尹溪啓曰今使臣等考次  
昨日宗宰諸臣所作而三公及大提學所作皆在臣等課次非徒未安  
於心事體亦何如傳曰諸臣皆在作詩之列命卿等考次耳大抵欲知